

Daim Ntawv Qhia Txog Kev Txiaiv Txim Siab Ua Ke: (Deciding Together Guide:) Nws Yog Dab Tsi thiab Nws Tsis Yog Dab Tsi (What It Is and What It Isn't)



Cov peev txheej no yog rau cov tsev neeg thiab cov SSC.

Lub Khoos Kas Kev Txhawb Pab Ncu Ntev Rau Me Nyuam Yaus (CLTS) siv txoj kev npaj phiaj xwm rau kev pab cuam ua pab pawg uas muab hu ua Kev Txiaiv Txim Siab Ua Ke. Lub hom phiaj yog txhawm rau los tsim ib txoj phiaj xwm kev pab cuam uas muab koj tus me nyuam thiab tsev neeg saib tuaj nruab nrab, ua hauj lwm kom tau zoo thiab ua kom tau raws li yam uas koj tus me nyuam thiab tsev neeg xav tau thaum lub sij hawm dhau mus.

Pab pawg neeg no muaj tus me nyuam, tsev neeg, tus neeg dhia dej num kev txhawb pab thiab kev pab cuam (SSC), cov neeg muab kev pab cuam, thiab lwm tus neeg uas tsev neeg xav kom los koom nrog pab pawg neeg no.

Kev Txiaiv Txim Siab Ua Ke ntseeg tias tsev neeg thiaj yog tus paub txog yam uas zoo tshaj plaws rau lawv, lawv txoj kab lis kev cai, thiab yam uas lawv saib muaj nuj nqis. Tus SSC paub txog cov khoos kas, cov cuab yeej, thiab cov kev pab cuam uas muaj los pab cov me nyuam yaus thiab tsev neeg kom ua tiav lawv lub hom phiaj. Pab pawg neeg no yuav sib cog ua hauj lwm ua ke txhua lub sij hawm uas lawv muaj ib qho txiaj ntsig tshiab los sis ib qho teeb meem tshiab thiab kom paub tseeb tias tej kev txhawb pab thiab kev pab cuam yeej pab tau.

Kev Txiaiv Txim Siab Ua Ke yuav pab pawg neeg no:

- Hais daws thiab ua hauj lwm kom ua tau raws li cov txiaj ntsig tau los
- Tsim ib txoj phiaj xwm kev pab cuam uas ua raws li cov cai ntawm Lub Khoos Kas CLTS
- Xyuas kom ntseeg tau tias tej kev txhawb pab thiab kev pab cuam yeej tsim nyog thiab los nqi lawm
- Ua kom ntseeg tau tias tej kev txhawb pab thiab kev pab cuam yeej siv tau hauj lwm

Cov Kauj Ruam rau Kev Txiaiv Txim Siab Ua Ke

1 Kev Txheeb Xyuas Cov Txiaj Ntsig

Pab pawg neeg no yuav txheeb xyuas yam uas tsev neeg lub zog loj, tej kev txhawj xeeb thiab tej teeb meem nyuaj los tsim cov txiaj ntsig.

2 Kev Xav Txog Tej Yam Tshiab

Pab pawg neeg no yuav qhia tej kev txhawb pab thiab cov tswv yim uas tuaj yeem pab tus me nyuam thiab tsev neeg ncv kom cuag lawv cov txiaj ntsig.

3 Kev Luj Tej Kev Xaiv

Pab pawg neeg no yuav ua tib zoo xav txog tias seb cov kev xaiv twg yuav siv tau hauj lwm zoo, ua raws li cov cai ntawm Lub Khoos Kas CLTS, thiab los nqi tshaj plaws.

4 Kev Tsim Txoj Phiaj Xwm

Pab pawg neeg no yuav muab txhua yam kev txiaiv txim siab los sau ua qib kawg rau hauv txoj phiaj xwm kev pab cuam uas meej tseeb, thiab raws li qhov txiaj ntsig uas muab hu ua Txoj Phiaj Xwm Kev Pab Cuam Rau Leej Neeg (ISP).

5 Kev Ntaus Nqi Xyuas Txoj Phiaj Xwm

Pab pawg neeg no yuav tham txog yam uas siv tau thiab siv tsis tau hauj lwm zoo thiab seb puas muaj lwm txoj kev xaiv uas los nqi tshaj plaws lawm.

Kauj Ruam 1: Kev Txheeb Xyuas Cov Txiaj Ntsig

Pab pawg neeg no yuav txheeb xyuas yam uas tsev neeg lub zog loj, tej kev txhawj xeeb thiab tej teeb meem nyuaj los tsim cov txiaj ntsig. Cov txiaj ntsig yog cov kauj ruam tshwj xeeb uas pab kom tus me nyuam ua tau raws li nws lub hom phiaj tag nrho.

Kev Txiaj Txim Siab Ua Ke yog...	Kev Txiaj Txim Siab Ua Ke tsis yog...
<ul style="list-style-type: none"> • Kev pib nrog cov ntaub ntawv uas tus me nyuam thiab tsev neeg muaj kev kaj siab uas yuav hais qhia. • Kev kawm txog tus me nyuam thiab tsev neeg lub zog loj, tej kev txhawj xeeb thiab tej teeb meem nyuaj. • Kev tshawb nrhiav txog yam uas tus me nyuam thiab tsev neeg xav ua hauj lwm txog los sis xav txhim kho. • Kev faib qhia cov ntaub ntawv hais txog tus me nyuam lub zog loj thiab kev xiam oob qhab thiab seb tej no cuam tshuam li cas rau tus me nyuam txoj kev noj qab haus huv, kev nyab xeeb, tsev neeg lub neej, thiab tej dej num ub no. • Kev tsim cov txiaj ntsig meej tseeb uas taw qhia rau kev npaj phiaj xwm kev pab cuam. 	<ul style="list-style-type: none"> • Ib tug neeg hauv pab pawg neeg uas qhia tsev neeg txog cov txiaj ntsig los sis cov teeb meem yam tsis muaj kev tawm tswv yim los ntawm tsev neeg. • Tsev neeg hais qhia rau tus SSC kom tso cai rau kev txhawb pab los sis kev pab cuam ua ntej yuav tsim qhov txiaj ntsig thiab ua ntej yuav ua tus txheeb txheem Kev Txiaj Txim Siab Ua Ke. • Tsuas yog tsom mus rau qhov tsis zoo los sis teeb meem nkaus xwb.

Cov Lus Nug Uas Muaj Txiaj Ntsig rau Cov Me Nyuam, Tsev Neeg thiab Cov SSC

- Lub sij hawm twg ntawm ib hnuv los sis ib lub lim tiam uas nyuaj tshaj plaws?
- Lub sij hawm twg ntawm ib hnuv los sis ib lub lim tiam uas yooj yim dua?
- Dab tsi ua rau muaj lub sij hawm nyuaj dua thiab pab kom muaj lub sij hawm yooj yim dua? Yam uas yuav pab tau rau cov dej num ub no uas nyuaj dua qub tuaj yog muaj dab tsi?
- Koj tsev neeg muaj kev lom zem li cas?
- Yam uas tus me nyuam nyiam tshaj plaws yog dab tsi? Yam uas ua rau lawv muaj kev zoo siab yog dab tsi? Yam uas ua rau lawv luag nyav los sis xav luag yog dab tsi?
- Yam uas koj tsev neeg xav ua nyob rau yav tom ntej (lub hli tom ntej, lub caij ntu sov tom ntej, los sis lub xyoo tom ntej) yog dab tsi?
- Koj txoj kev npau suav rau koj tus me nyuam yog dab tsi thiab koj xav tias yam uas yuav pab ua kom tej kev npau suav ntawd muaj tseeb yog dab tsi?

Kauj Ruam 2: Kev Xav Txog Tej Yam Tshiab

Pab pawg neeg no yuav qhia tej kev txhawb pab thiab kev pab cuam thiab lwm yam kev cuam tshuam pab uas tuaj yeem pab tus me nyuam thiab tsev neeg ncau kom cuag lawv cov txiaj ntsig.

Kev Txiaj Txim Siab Ua Ke yog...	Kev Txiaj Txim Siab Ua Ke tsis yog...
<ul style="list-style-type: none"> • Txhua tus neeg hauv pab pawg neeg no yuav sib cog tawm tswv yim thiab txoj kev xav "loj." • Kev saib txhua lub tswv yim muaj nuj nqis! • Kev txais tej tswv yim los ntawm tsev neeg thiab tus SSC. Nws yeej tsis ua li cas yog tias koj tsis tau muaj lub tswv yim nyob rau tam sim ntawd los sis xav ua qee qhov kev tshawb fawb ua ke. • Kev txais cov tswv yim los ntawm lwm tus neeg hauv koj tsev neeg los sis zej zog. • Kev nrhiav kev txhawb pab nyob rau Lub Khoos Kas CLTS sab nrauv los pab kom ncau cuag qhov txiaj ntsig los sis daws teeb meem. Qhov no tuaj yeem hloov los sis ntxiv rau cov kev pab cuam hauv lub khoos kas. 	<ul style="list-style-type: none"> • Kev xav txog ib txoj hau kev daws teeb meem uas tuaj yeem mus taus thiab kom tag txij ntawd. • Kev kav xyeem ib tug neeg hauv pab pawg neeg los xav txog txhua txoj hau kev daws teeb meem uas mus taus. • Kev tsis quav ntsej txog tej tswv yim vim peb yeej tsis tau ua li ntawd los dua li. • Kev tsis kam ntsuam xav txog tej lus qhia los sis tej kev xaiv.

Cov Lus Nug Uas Muaj Txiaj Ntsig rau Cov Tsev Neeg thiab Cov SSC

- Yuav ua li cas los daws qhov txiaj ntsig los sis qhov kev xav tau no rau ib tug me nyuam twg, yam tsis hais txog lawv lub peev xwm los sis tej teeb meem uas lawv muaj?
- Cov neeg hauv tsev neeg thiab cov phooj ywg twg hauv tus me nyuam lub neej yuav tuaj yeem pab tau?
- Txoj kev nyiam los sis tej txuj ci qauv tes uas koj yuav tuaj yeem tsim kho ntxiv yog dab tsi?
- Kev npaj phiaj xwm txog tus me nyuam txoj kev nyab xeeb los sis yam uas yuav ua thaum muaj xwm txheeb kub ntxhov puas yuav pab kom tus me nyuam muaj kev nyab xeeb?
- Cov tswv yim uas twb tau sim ua lawm yog muaj cov twg thiab yam uas yuav pab kom lawv ua tiav tshaj qub tuaj yog dab tsi?

Kauj Ruam 3: Kev Luj Tej Kev Xaiv | Pab pawg neeg no yuav ua tib zoo xav txog tias seb cov kev xaiv twg yuav siv tau hauj lwm zoo, ua raws li cov cai ntawm Lub Khoos Kas CLTS, thiab los nqi tshaj plaws.

Kev Txiaiv Txim Siab Ua Ke yog...	Kev Txiaiv Txim Siab Ua Ke tsis yog...
<ul style="list-style-type: none"> • Kev xav txog tej kev xav tau thiab tej txiaj ntsig rau lub sij hawm luv thiab lub sij hawm ntev. • Kev ntsuam xav tias seb cov kev xaiv twg thiaj yuav pab ua kom tau raws li cov txiaj ntsig los ntawm Kauj Ruam 1. • Kev saib tej kev xaiv uas tseem ceeb rau tsev neeg thiab haum rau lawv txoj kab lis kev cai thiab kev muaj nuj nqis. • Kev xaiv qhov kev xaiv uas los nqi tshaj plaws thaum tag nrho ob txoj kev xaiv puav leej yuav ua tau raws li qhov txiaj ntsig. • Kev txheeb xyuas cov kev xaiv uas Lub Khoos Kas CLTS tuaj yeem them rau tau. • Kev xyuas kom meej tias yeej tsis muaj lwm cov peev txheej los sis cov khoos kas pab them nyiaj uas yuav tuaj yeem siv tau lawm. Qhov no txhais tau tias Lub Khoos Kas CLTS yuav yog tus neeg pab them nqi tom qab kawg nkaus lawm. 	<ul style="list-style-type: none"> • Tsuas ntsuam xav txog Lub Khoos Kas CLTS qhov kev pab cuam uas feem ntau yog muab siv nrog lwm tsev neeg nkaus xwb. • Tsuas ntsuam xav txog cov kev xaiv uas Lub Khoos Kas CLTS pab them nqi rau nkaus xwb. • Tsuas ntsuam xav txog cov kev xaiv uas muab lub sij hawm so luv-luv rau tsev neeg yam tsis xav txog cov hau kev daws teeb meem mus ncuu sij hawm ntev. • Tsuas ntsuam xav txog cov kev xaiv uas pheed yig tshaj plaws nkaus xwb. • Kev xaiv tib co kev txhawb pab thiab kev pab cuam zoo ib yam rau tus me nyuam vim lawv muaj teeb meem los sis qhov txiaj ntsig zoo ib yam li lwm tus me nyuam.

Cov Lus Nug Uas Muaj Txiaj Ntsig rau Cov Tsev Neeg thiab Cov SSC

- Txoj kev xaiv twg uas pab kom ua tau raws li qhov txiaj ntsig rau tus me nyuam? Koj puas xav txog tag nrho tej kev xav tau ncuu sij hawm luv thiab ncuu sij hawm ntev tib si?
- Txoj kev xaiv twg yuav pab txhim kho tej txuj ci qauv tes tau zoo tshaj plaws? Piv txwv li, nws puas pab tus me nyuam kawm hnav khaub ncaws yam tsis muaj kev pab los sis qhia npaj khoom noj txom ncauj los sis puas noj rau lawv tus kheej?
- Txoj kev xaiv twg yuav txhawb pab tus me nyuam kom koom nrog tej dej num ub no hauv lawv lub zej zog tau zoo tshaj plaws?
- Txoj kev xaiv no puas siv tau rau koj tsev neeg? Piv txwv li, nws puas siv tau hauj lwm rau koj lub neej thiab tsev neeg lub sij hawm?
- Nws puas haum rau yam uas koj tsev neeg muab saib tseem ceeb tshaj plaws, muab saib muaj nuj nqis, thiab txoj kab lis kev cai? Piv txwv li, yog tias tsev neeg xav siv lub sij hawm ntau dua los nyob ua ke, ces koj cov kev xaiv puas suav nrog kev ua dej num ub ua no rau tsev neeg?
- Yog tias muaj ntau tshaj ib txoj kev xaiv uas pab kom ua tau raws li qhov txiaj ntsig, qhov kev xaiv twg yog qhov uas los nqi tshaj plaws?

Kauj Ruam 4: Kev Sib Cog Tsim Txoj Phiaj Xwm Ua Ke | Pab pawg neeg no yuav muab txhua yam kev txiaiv txim siab los sau ua qib kawg rau hauv txoj phiaj xwm kev pab cuam uas meej tseeb, thiab raws li qhov txiaj ntsig uas muab hu ua Txoj Phiaj Xwm Kev Pab Cuam Rau Leej Neeg (ISP).

Kev Txiaiv Txim Siab Ua Ke yog...	Kev Txiaiv Txim Siab Ua Ke tsis yog...
<ul style="list-style-type: none"> • Kev tsim txoj phiaj xwm kev pab cuam uas yog siv cov kev xaiv los ntawm Kauj Ruam 3. • Kev cwv lub luag hauj lwm thiab cov dej num. • Kev sib koom txiaiv txim siab ua ib pab pawg tias seb yuav muaj tej kev txhawb pab thiab kev pab cuam tuab npaum li cas. • Kev txiaiv txim siab tias seb yuav pib cov kev pab cuam thiab kev txhawb pab thaum twg. • Kev xaiv cov kev txhawb pab, cov kev pab cuam, thiab cov chaw muab kev pab cuam uas haum rau yam uas tsev neeg nyiam thiab saib muaj nuj nqis. • Kev tham txog yam uas tsev neeg tuaj yeem ua tau yog tias lawv tsis pom zoo rau qhov kev txiaiv txim siab. 	<ul style="list-style-type: none"> • Kev tsim txoj phiaj xwm yam tsis muaj tsev neeg koom nrog los sis yam tsis siv txoj hau kev rau Kev Txiaiv Txim Siab Ua Ke. • Kev tawm qauv rau "txoj phiaj xwm uas tsis hloov pauv" mus ib txhis. • Kev ua kom tus me nyuam thiab tsev neeg muaj kev thaj tsob rau txhua yam ntsiab lus ntawm kev npaj txoj phiaj xwm kev pab cuam. Piv txwv li, kev txheeb xyuas cov chaw muab kev pab cuam los sis kev npaj tias seb yuav muab cov kev pab cuam thaum twg thiab qhov twg. • Kev tsim txoj kev phiaj xwm los siv cov nyiaj pab los ntawm Lub Khoos Kas CLTS thaum cov kev txhawb pab los sis cov kev pab cuam yog kev thaj tsob ntawm tsev neeg los sis lwm lub laj txheej xws li lub tsev kawm ntawv los sis lwm qhov chaw ntawm Medicaid.

Cov Lus Nug Uas Muaj Txiaj Ntsig rau Cov Tsev Neeg thiab Cov SSC

- Leej twg yuav yog tus muab kev txhawb pab los sis kev pab cuam?
- Yuav muab cov kev pab cuam yuav rau qhov twg thiab tuab npaum li cas? (Piv txwv li, puas yuav muab cov kev pab cuam ntau dua ib zaug hauv ib lub lim tiam?)
- Cov kev pab cuam yuav pib thaum twg?
- Leej twg yuav tiv tauj lub chaw muab kev pab cuam los npaj cov kev pab cuam?

Kauj Ruam 5: Kev Ntaus Nqi Xyuas Txoj Phiaj Xwm

Pab pawg neeg no yuav tham txog yam uas siv

tau thiab siv tsis tau hauj lwm zoo thiab seb puas muaj lwm txoj kev xaiv uas los nqi tshaj plaws lawm.

Kev Txiaj Txim Siab Ua Ke yog...	Kev Txiaj Txim Siab Ua Ke tsis yog...
<ul style="list-style-type: none"> • Kev hais qhia txog tej kev xav thiab kev tham txog yam uas siv tau hauj lwm zoo thiab yam uas siv tsis tau hauj lwm zoo. • Kev sib tham ua pab pawg txhua lub sij hawm, kom tuab npaum li qhov xav tau. • Kev nug seb peb puas ua tau raws li tus me nyuam cov txiaj ntsig los sis seb tsev neeg cov teeb meem puas zoo dua qub tuaj. • Kev nkag siab tias cov tsev neeg yuav muaj lub zog loj, cov teeb meem nyuaj thiab tej yam tseem ceeb tshaj plaws tshiab thaum lub sij hawm dhau mus. • Kev muab tus me nyuam thiab tsev neeg tej kev paub kev pom dhau los thiab tej kev nyiam los saib tuaj nruab nrab rau kev txiaj txim siab. • Kev ua kom ntseeg tau tias cov kev txhawb pab thiab cov kev pab cuam uas xaiv tseg yeej yog cov uas los nqi tshaj plaws lawm. • Kev pib dua tshiab los ntawm Kauj Ruam 1 yog tias tsis tuaj yeem ua tau raws li qhov txiaj ntsig los sis qhov teeb meem tsis zoo dua qub tuaj. 	<ul style="list-style-type: none"> • Kev tsuas yog tsum mus rau qhov txiaj ntsig tau los thaum kawg los hloov tias seb txoj phiaj xwm ua tau hauj lwm zoo npaum li cas. • Kev sib tham nyob rau qee lub sij hawm nkaus xwb (piv txwv li: thaum pib los sis thaum lub sij hawm rov txuas sij hawm dua tshiab). • Kev mus saib tag nrho txoj phiaj xwm nyob rau txhua lub sij hawm.

Cov Lus Nug Uas Muaj Txiaj Ntsig rau Cov Tsev Neeg thiab Cov SSC

- **Tus me nyuam puas muaj tej kev xav tau los sis tej yam nyiam sib txawv nyob rau tam sim no?** Piv txwv li, ib tug tub ntxhais hluas tau txais kev cob qhia txog txoj hau kev tuav tswj nyiaj txiaj. Tam sim no lawv tab tom kawm tiav tsev kawm theem siab lawm thiab xav tau kev pab nrhiav ib txoj hauj lwm ib nrab sij hawm los sis kev sau daim ntawv thov kawm tsev kawm qib siab. Cov kev txhawb pab thiab cov kev pab cuam yuav tsum tau muab hloov pauv kom ua tau raws li cov txiaj ntsig tshiab.
- **Plaws puas tau ua tau raws li cov txiaj ntsig thiab puas xav tau cov txiaj ntsig tshiab los txhim kho tus me nyuam thiab tsev neeg lub neej txhua hnuv txuas ntxiv mus?** Piv txwv li, tus me nyuam tuaj yeem ua tau raws li lub hom phiaj hais txog kev npaj cov khoom noj txom ncauj txias yam tsis muaj tus pab. Lub hom phiaj tshiab yuav yog ua kom lawv tuaj yeem kawm siv lub microwave tau.

